

trapeziformi, lateribus rectis, margine basali truncato, disco versus apicem leviter declivi, planiusculo, callis parum discretis; hemielytris maris abdomen longe superantibus, cuneo oblongo-triangulari, membrana biareolata; xypho prosterni convexo; femoribus puncto anteapicali marginis superioris setifero instructis; tibiis nigro-spinulosis, spinulis e punctis minutis nascentibus.

A genere *Psallus* Fieb., Reut. capite infra oculos omnium brevissime producto, clypeo haud prominente, depresso, basi cum fronte confluyente articuloque primo rostri caput haud superante divergens; a genere *Sthenarus* Fieb., Reut. vertice aequali nec marginato nec margine tenui acuto, oculis granulatis, antennis articulo primo apicem clypei longius superante, secundo longiore, a genere *Campylomma* Reut., cui structura capitis et oculorum nonnihil similis, oculis distincte exsertis, granulatis, capite cum iis apice pronoti multo latiore, margine verticis haud acuto, antennis aliter constructis distincta. (Pedes postici desunt).

*Orizaba luridipennis* n. sp. Nigro-picea, pilis facillime divellendis argenteis vestita, hemielytris luridis, angulo exteriore apicali corii cuneoque dilute fuliginosis, membrana cum areolis fuliginoso-fumata, venis fuliginosis, macula inter apicem cunei et areolam minorem pallida; antennis maris nigro-piceis, articulo secundo lineariter incrassato, primo crassitie subaequali, pilosulo, basin versus lurido; femoribus picescentibus, apice sat late, tibiis tarsisque luridis, tibiis spinulis nigris e punctis minutis fuscis nascentibus, tibiis anterioribus apice late inpunctatis. ♂. Long. 3, lat. fere 1 mm.

Orizaba, m. Decembris, unicum mas.

Caput (♂) cum oculis basi pronoti circiter  $\frac{1}{4}$  angustius, ab antico visum latitudini verticis oculique unci longitudine subaequale; vertice oculo paullo angustiore. Antennae articulo secundo margini basali pronoti aequae longo. Pronotum latitudine basali duplo brevius, apice longitudine distincte angustiore. Hemielytra (♂) abdomen longe superantia. (Pedes postici desunt.)

### *Plesiodemidea* nov. gen.

Corpus (♀) oblongum, nitidulum, saltem inferne (lateribus pectoris) squamis metallicis; capite basi pronoti circiter  $\frac{1}{3}$  angustiore, a superno viso pronoto paululum brevior, nutante, ab antico viso transverso, a latere viso altitudine distincte brevior, vertice aequali, fronte declivi, clypeo sat leviter prominente, compresso, angusto, basi ejus infra medium capitis a latere visi posita, genis humilibus, gula haud distinguenda; oculis (♀) ultra angulos apicales pronoti modice prominentibus, sublaevibus; antennis (♀) ad apicem oculorum interne insertis, articulo primo apicem clypei vix attingente, secundo brevi, versus apicem sensim incrassato; pronoto trapeziformi, fortiter transverso, lateribus rectis, disco subhorizontali, margine basali truncato; scutello pronoto aequae longo, planiusculo; hemielytris vena clavi venaque cubitali corii distinguendis, cuneo leviter declivi, latitudine basali paullo longiore, membrana biareolata; alis areola hamo distincto a vena decurrente paullo remoto; pedibus breviusculis, femoribus puncto marginis superioris anteapicali setifero instructis, posticis brevibus, fortiter incrassatis, tibiis nigrospinulosis, tarsis breviusculis.

*Plesiodemidea fusciceps* n. sp. Superne livido-testacea, capite, apice pronoti scutelloque nigro-fuscis; membrana leviter fumata; pectore fusco, orificiis testaceis, ventre obscure testaceo, dense breviter argenteo-pubescente; coxis fuscis, femoribus